

صدری مقصودرف : مینلبرلر موغوللرک « هووهی - هو » لری و اورغوزیه تورک  
کتابلرینک « اورغوزیه لری . - ژورنال آزباتیک کانون نانی - مارت ۱۹۲۴ نسه سنده منتشره ،  
ص ۱۴۸-۱۴۱ ؛ تورکجه ترجمه یی : تورک یوردی ، یدنجی صابیده

تورکیات ساحه سنده ، اوزون زمانلردن بری ، کوچوکلکنه رغماً بو قدر ادعالی بر  
مقاله ، علمی مجموعه لرده بر موقع قبول بولماشدی ... استانبولده کی یومی غزته لرده صیق  
صیق بو جنس یازیلر انتشار ایدر : بوتون لسانلرک تورکجه دن چیقدیغی ، اسکی یونان  
میتولوژیسنک تورکلردن آلتش اولدیغی ، « بودا » نک نسلآ تورک اولدیغی ، الخ ....  
قیلندن برچوق کشفیاته و بوجنس کاشفله دایماً تصادف ایدررز ؛ لکن « تورکیات مجموعه یی »  
ستونلرنده ، بونلرک ، حتی تنقیدی بیله یر بولاماز ؛ چونکه بو جنس شیلر ، تنقیده ده لایق  
دکلدر . ایشته « صدری مقصودی » یکک ، - بو کشفیات ایله عین فصیله دن صایه بیله جکمز - ادعا کار  
و کشفیات ایله مالامال مقاله سی ، اکر « ژورنال آزباتیک » کی جدی بر مجموعه ستونلرنده  
یر بولماسه یدی ، بوراده اوندن ده بحثه اصلا لزوم کورمه یه جکدک . فقط ، صرف محل نشری  
اعتباریله ، بو مقاله نک ماهیتی تشریح ایتمه یی ضروری بولیورز . « تورک یوردی » نک ،  
شبه سز بر اثر سهو اولارق « صوربون دارالفنوننده مدرس » صفتیله قارئلرینه تقدیم ایتمه یی  
- چونکه « صدری بک » هیچ بر زمان بومهم عنوانی آلامشدر - مؤلفک ، اساس فکری  
شودر : [ توکیولرک برینه قائم اولان وسلطنتلری مؤخرآ قیرغیزلر طرفدن ییقیلان  
« هووهی - هو » لر ، میلادی ۱۳ نجی عصر دن اعتباراً « او یغور » نامیله ذکر اولوشلردر .  
عجبا بو « هووهی - هو » و « او یغور » اسملرینک تورکجه طرز قرائتی نه در ؛ بالذات کندیلری  
ودیکر تورک شعبه لری بونلره نه اسم ویریورلردی ؟ « اورخون » کتابلرنده او یغور اسمی  
یوقدر . کذلک اون اوچنجی عصره قدر عرب و عجم جغرافیاجی و مورخلرنده « او یغور »  
آدی یوقدر . عجبا بومورخلرک و کتابلرک بحث ایتمک لری « دو قوز اوغوزلر » بونلر دکلیدر ؟  
بوتون بوسائل شیمدی یه قدر جوابسز قالشدی . صدری بک بو مسائلی بر جمله ده حل  
ایده بیله جک سری کشف ایتمشدر : اوکا کوره « هووهی - هو » چینجه ، « او یغور » موغولجه  
برر اسمدرکه ، تورکجه بونک اصلی « اوغور » در ؛ و ایشته بوده « اوغوز » کلمه سنک اسکی  
شکلیدر . مؤلف بو « ر = ز » تبدالی حقنده لسانی دلیللر کوستردکن صوکرآ ، او یغور لرک  
« دو قوز اوغوزلر » اولدیغی و کندی کندی لرینه بو آدی ویردکلرینی سویلیور . بناء علیه  
آرتق « او یغور » کلمه سنی اورته دن قالدیرمق و اونک برینه « اوغوز » کلمه سنی اقامه ایتمک ، اک

دوغرو حرکتدر]. ایشته مؤلفک اناس فکزی! «تورک یوردی» نده مقاله عیناً موجود اولدیغندن، فضله تفصیلات ایستهینلر اورایهده مراجعت ایده بیلیرلر. مؤلف، بو ایلیری سوردیکی «فرضیه» ایله، تورکیاته عاندبرچوق مسئلهلری حل ایده جکنی پک بویوک برنمنونیت و اقتضارله ایلیری سورویور...

اویغورلره عاند اوروپا تورکیاتجیلری طرفندن یازیلان اثرلرک بومسئلهینی حل و تنویر دکل اغلاق ایتدیکنی ادعا ایدهرک «رادلوف» ک، حتی اسکیلکلرینی ده دوشونمه یه رک «قلاپروت» و «سوت» ک اسملرینی ذکر ایدن مؤلفه، کال تأثرله بیلدیرمک مجبوریتنده یزکه، اورته ده کندیسنه عاند هیچ بر «کشف» یوقدر؛ و کندیسینی، مع الاسف، نه تورکیات ساحه سنده کی اوروپا تندققرینه، نه ده اسکی شرق منبعلرینه دائر هیچ ده اطرافلی معلومات صاحبی دکدر. حالبوکه علمده بر «فرضیه» ایلیری سورمک ایچون، کافی درجه ده صاحب صلاحیت اولوق لازمدر. بز بوراده تقرعانه عاند تنقیدلره کیریشمه یه رک، ساده جه، بومقاله ده کی پک اساسلی یا کلشلیری تصریح ایله اکتفا ایده جکنر.

اولا: صدری بک اورخون کتابه لر نده «اویغور» نامنه تصادف ایدیله دیکنی مقاله سنده بر قاچ دفعه تکرار ایدوب دوریور. و بونکله اثبات ایدیورکه، کندیسینی، تورکیات ساحه سنده کی مبتدی لریک ییله دقتله اوقوموق مجبوریتنده اولدقاری شو «اورخون کتابه لری» نی اوقوما مشدر. حالبوکه پروفیسور «ویلهلم طومسن» ک مشهور اثرینک حتی ساده جه «انده قس» نه مراجعت ایتسه، اورخون کتابه لر نده «اویغور» آدینه راست کلندیکنی پک اعلا آکلاردی [اورخون کتابه لری، هلمسینغفورس، ۱۸۹۶، ص ۱۴۷، ۲۲ نومرولو نوطه یه مراجعت]. اوروپا تورکیاتجیلرینی کال شدتله تنقید ایدهرک «بریغین مجهول تورکیات مسئله لرینی حل ایده جک» آناختاری ایلمک دفعه بولوق ادعا سنده بولونان بر ذاتک - همده اون دقیقه ده تحقیقی قابل بر مسئله حقنده - بوقدر جدیدسنر و تحقیقسنر بر ادعا ده بولونمه سی، صلاحیت علمیه دن درجه محرومیتی حقنده کافی بر فکر ویره بیلیر.

ثانیاً: اون اوچنچی عصر میلادیدن اول اسلام و تورک منبعلر نده «اویغور» اسمی موجود اولمادیغنی ادعا ایتمکله ده، مؤلف، ایکنجی بر قاشخ خطا داها ارتکاب ایدیور؛ چونکه، اوندن ایکی عصر اول یعنی هجری بشنچی عصرده یازیلان «محمود کاشغری» نک مشهور «دیوان لغات الترک» نده اویغورلر حقنده جغرافیا، اتنولوژی و فیلولوژی اعتباریله بک

قیمتدار بریغین معلومات و بریلکد، در، چوق منور و معلوماتلی بر تورک اولوب، کندی افاده سنه کوره بوتون «تورک مملکتلری دولاشان، هر شعبه نیک لهجه سنه و عادات و عنعناتنه واقف اولدیغی، سولیه نین «محمود کاشغری، نیک بوغایت صریح افاداتی، صدری مقصودی بکک نه قدر یا کاش بر زادعاده بولوندیغی قطعیتله کوستریوز. تورکیات ساحه سنده هر اعتبار ابله امهاتدن اولان بولیه بر اثر لایقیه تدقیق ایدیلهدن، هیچ بر مسئله حقیقه فرضیه درمیانته قالدیشیلاماز.

ثالثاً: اسکی «هووهی - هو» لرك «اویغوزلر» له عین قوم اولوب اولمادیغی «اویغوزلر» لرك «اتنیق» ماهیتی حقیقه تا «آهل رهموزا» دن باشلا یه رق [باقکیز: تانار لسانلری حقیقه تحریات، ص ۲۸۵]، «ویسده لو» یه [بیبلویوتیک اورینتال ذیلی، بوراده «هووهی - هو» و «اویغوز» ماده لرینه مراجعت ایدیکیز]، «فون لوقوق» قدر ایلری سورولن مطالعاتدن، مؤلف تمامیه بی خبر قالمشدر.

رابعاً: «هووهی - هو» لرك «اوغوزلر» اولدیغی ایلک دفعه ایلری سورمک شرفی ده، کمال اسفله سولیه یه لم که، صدری مقصودی بکه دکل، ابتدا «آهل رهموزا» یه عأنددر. «آهل رهموزا» دن صوکر، عین فکری «ویلهم طومسن» - داها زیاده قوت و وضوحه - مدافعه ایدره ک، دو قوز اوغوزلرک اویغوزلر اولدیغی میدانته قویمش، و حتی اسکی چین منبعلرنده تصادف ایدیلن «Vou-hou» «Vou-ho» آدینک تورکجه «اویغوز» ده دکل «اوغوز» ه تطابق ایتدیکنی سولیه مشدی: «بوتون بونلره نظر آ، کتابه لرده کی اوغوزلرک ادبی منبعلرک ذکر ایتدیکی اویغوزلر اولماتی ناقابل اعتراض کی کورونیور. بناء علیه، اوغوز آدینک، موضوع بحث نیله لرك اسکی آدی اولارق تورکر آراسنده قوللانیلدیغی، و داها یکی بر اسم اولان اویغوز آدینک ده بعض قونفدراسیونلره عأند سیاسی بر عنوان اولدیغی آ. کلاشیلور، [عین مؤلف، اورخون کتابه لری، ص ۱۴۸]. صدری مقصودی بک بو پک مشهور اثرلری اوقوسه یدی، باشقالرینک فرضیه لرینی کندیسنه مال ایتمک و معروف تعبیریه «آچیق قاپلری زورلامق» کی تحف بر موقعه دوشمزدی.

خامساً: «اوغور Ughor» و «اویغوز Uighur» کله لرینک «اوغوز» کله سنک عینی اولدیغی فکری ده یه ابتدا صدری بک طرفندن ایلری سورولمه مشدر. وقتیلده بولیه ادعالرده بولونولش، فقط - بوراده ایضاحی بک اوزون سورمه جک - قوتلی دلآله استناداً بر طاقم لسانیات ماللری طرفندن درحال رد و تنقید ایدیلشدی [بو خصوصه پروفیسور

«بارتولد» که «اسلام آنستیلوپه دیسی» نده کی «ghuzz» ماده سنه بافکرز. مؤلف بوراده ده، بوتون مساعی متقدمه دن و مناقشاتدن کلیاً بی خبر قالارقی، چوق اول رد و اسقاط ایدیش بر نقطه نظری یکیدن اورته یه سورمک ایسته مشدر.

سادساً: «اویغور» کله سنک موغولجه اولدیعی حقیقه صدری بکک مطالعه سی تامامی اصل واساسدر؛ کله تورکجه در [تفصیلات ایچون «رادولف» ک «فونادغوبیلیک» مقدمه سنه بافکرز].

سابعاً: اوغوز دستانک میلادی سنکرنجی عصرده تورکک اسلام تاملیله تاماشیدن سوکرا تشکل ایتدیکی حقیقه کی ادعاده تاملیله یا کلیشدر. «ایک متصوفلر» ده، «تورکیا تاریخی» نده، «تورک ادبیاتی تاریخی» نده بوکامند اوزون ایضاحات و وثائق بولوندیغندن ایسته نیلر بو اثرلر مزه راجعت ایده بیلیرلر.

ثالثاً: صدری مقصودی بک «تورک تاریخک برچوق مغلق مسئله لرینی بردن بره تنویر ایده جکنی» سوله دیکی بو قیمتلی فرضیه سی و مهم کشفی مقاله سنک سوکنده شو سطرلرله خلاصه ایدیور:

[چینلیک «هووی - هو»، موغوللرک «اویغور» دیدکری قوم، تورک جنسندن ایدی؛ اتیق نقطه نظر دن بونلره «تولهس» و قبیله تشکیلاتی اعتباریله «دوقوز اوغوز» دیرلردی]. شیمدی برده، بو بویوک کشفدن (!؟) بش سنه اول نشر ایتدیکمز برکتابک اهمیتسز برنوطه سندن مفروضو براقچ متواضع سطر ی بونکله تطبیق ایدیکز: [«ویسده لو» و معقبرینک، منشأ لرینی «سه له نغا» و «توغلا» نهرلری آراسنده کو ستر دکری اویغورلر، حقیقت حالده «هووی - هو» لدرکه، اورخون کتابه لر نده کی «دوقوز اوغوزلر» له عرب مورخ لرینک «تغزغز» لری و چینلیلرک «تیه - له» - اورخون کتابه لر نده کی «تولهس» لر - لری ده اونلر در. تورک ادبیاتی تاریخی، ۱۹۲۰، برنجی کتاب، ص ۴۹، حاشیه ده]. ایسته، کمال قطعیتله کورولورکه، بزم بش سنه اول - آوروپا تورکیا تخیلرینه استناداً - کتابمزده ذکر ایتدیکمز بر نقطه نظری، صدری مقصودی بک، بش سنه سوکرا عیناً ایلری سورویور؛ فقط بودفعه «بویوک و پارلاق برکشف علمی» شکلنده؛ و همده دوغورودن دوغرویه آوروپالیرم قارشی!.. جراتکارلغک بودرجه سنه علم تاریخنده تصادف اولونه جغنی ظن ایتیمورم!

بوتون بو ایضاحاتدن حیقان الیم حقیقت شودر: صدری مقصودی بکک تورکیات ساحه سنده کی

معلوماتی ، چوق سطحی و چوق ابتدائیدر ؛ بو ذات بوساحده یکی تدقیقات یابه یلمک شویله دورسون ، حتی شیمدی به قدر استحصال ایدیلن بللی باشلی نتایجندن ده تمامیه بی خبر بولونیور . «کشف» دیهرك غرور و طنطنه یله ایلری سوردیکی شیلرک هپسی ، وقتیه اورته به آیلیمش ، حتی بر قسمی رد و جرح ایدیلش و اهمیتلرخی غیب ایتمش مسئلهلردر . بو طرز مساعی بی قبول ایتدکن صوگرا ، صدی بک «دنیا نك یو وارلاق اولدینی» ندن باشلا بهرق ، بو کونکی علمی متعارفهلری ده برر برر کشف ایتدیکنی بک اعلا کال طنطنه یله ادعا ایده بیلیر ... مجموعه مزك صحیفهلرخی بو قدر دکرسز و کولوچ بر موضوعک تنقیدینه حصر ایتدی کمزدن دولایی بک متأسفر . امید ایده رزکه «ژوزنا آزیاتیک» هیئت تحریریه سی ، وندن صوگرا ، مجموعه لرینک عصر دیده حیثیتی اخلاص ایده جک بوجنس مبتدیانه وهین زمانجه شارلانا نجه یازیلوک نشرینه وساطت ایتملر !

کومریلی زاده محمد فؤاد